



თიბისი დაზღვევა



სისოცხლის ვადიანი
ინდივიდუალური
დაზღვევის პირობები

#TL-01/21

სარჩავი

სიცოცხლის ვადიანი ინდივიდუალური დაზღვევა

ტერმინთა განმარტება.....	2
1. დაზღვევის საგანი	5
2. დაზღვევის პროცედურა	5
3. დაზღვეული რისკები და ბენეფიტები.....	7
4. გამონაკლისები	13
5. სადაზღვევო ანაზღაურების გაცემის საფუძვლები	17
6. დაზღვევის ხელშეკრულება და მისი ძალაში შესვლის წესი.....	19
7. სადაზღვევო პრემია და მისი გადახდის წესი	19
8. დაზღვევის ხელშეკრულების/სადაზღვევო დაფარვის შეწყვეტის წესი	21
9. შეტყობინებები და კომუნიკაცია.....	22
10. დავათა გადაწყვეტა.....	22
11. კონფიდენციალობა.....	22
12. პერსონალურ მონაცემთა დამუშავება.....	23



სადაზღვევო დაფარვები



მნიშვნელოვანი ინფორმაცია



გამონაკლისები

სიცოცხლის ვადიანი ინდივიდუალური დაზღვევა

ტერმინთა განმარტება

წინამდებარე დაზღვევის მიზნებისათვის, დაზღვევის პირობებში გამოყენებულ ტერმინებს აქვთ ქვემოთ მოცემული მნიშვნელობები:

გზავველი

სს „თიბისი დაზღვევა“.

დამზღვევი

20 წლიდან 55 წლის ჩათვლით ასაკის ფიზიკური პირი, რომელიც პასუხისმგებელია სადაზღვევო პრემიის გადახდაზე.

დაზღვეული

20 წლიდან 55 წლის ჩათვლით ასაკის საქართველოს მოქალაქე ან საქართველოში ბინადრობის უფლების მქონე ფიზიკური პირი, რომლის სიცოცხლე დაზღვეულია წინამდებარე პირობების თანახმად.

ამ დაზღვევის მიზნებისთვის, ინდივიდუალური პოლისის ფარგლებში დაზღვეული და დამზღვევი ერთი და იგივე პირია. საოჯახო პოლისის შემთხვევაში დამზღვევი მოიაზრება „ძირითად დაზღვეულად“, ხოლო მისი მეუღლე - „დაზღვეულ მეუღლედ“, შვილ/ებ/ი კი - „დაზღვეულ შვილ/ებ/ად“. ამასთან, საოჯახო პოლისის შექმნა შესაძლებელია მხოლოდ იმ შემთხვევაში, თუ დაზღვევის მომენტისთვის, „ძირითადი დაზღვეული“ იმყოფება კანონიერ ქორწინებაში „დაზღვეულ მეუღლესთან.“

მოსარგებლე

ფიზიკური პირი, რომელიც ამ დაზღვევის ფარგლებში სადაზღვევო შემთხვევის დადგომისას უფლებამოსილია მიიღოს სადაზღვევო ანაზღაურება.

ინდივიდუალური პოლისის შემთხვევაში, გარდაცვალების რისკის ხდომილებისას მოსარგებლე არის დაზღვეულის მიერ სადაზღვევო პოლისში მითითებული პირი. თუ სადაზღვევო შემთხვევის დადგომის მომენტისთვის სადაზღვევო პოლისში მითითებული მოსარგებლე გარდაცვლილია, მოსარგებლებს წარმოადგენენ დაზღვეულის კანონისმიერი მემკვიდრეები. დროებითი შრომისუნარობის რისკის ხდომილებისას მოსარგებლე არის უშუალოდ დაზღვეული.

საოჯახო პოლისის შემთხვევაში, გარდაცვალების რისკის ხდომილებისას მოსარგებლე არის გარდაცვლილი დაზღვეულის მეუღლე. დროებითი შრომისუნარობისა და დაზღვეული შვილ/ები/ს უბედური შემთხვევით გამოწვეული სხეულის დაზიანების რისკის ხდომილებისას მოსარგებლე არის ძირითადი დაზღვეული.

სადაზღვევო პოლისი

მზღვეველსა და დამზღვევს შორის სადაზღვევო ხელშეკრულების დადების ფაქტის დამადასტურებელი და ამ ხელშეკრულების პირობების ამსახველი დოკუმენტი.

სადაზღვევო პოლისსა და დაზღვევის პირობებს შორის განსხვავებების შემთხვევაში, უპირატესობა ენიჭება სადაზღვევო პოლისს.

სადაზღვევო კრედიტი

დაზღვევის საფასური, რომელიც დამზღვევმა უნდა გადაუხადოს მზღვეველს სადაზღვევო პოლისით განსაზღვრული წესითა და ოდენობით.

სადაზღვევო შემთხვევა

სადაზღვევო პერიოდის განმავლობაში დამდგარი და დაზღვეული რისკით გამომწვეული შემთხვევა, რომელიც წარმოშობს მზღვეველის ვალდებულებას გადაუხადოს მოსარგებლეს სადაზღვევო ანაზღაურება.

სადაზღვევო ანაზღაურება

თანხის ოდენობა, რომელსაც მზღვეველი უხდის მოსარგებლეს სადაზღვევო შემთხვევის დადგომისას.

სადაზღვევო პერიოდი

დროის შუალედი, რომლის განმავლობაშიც მოქმედებს სადაზღვევო დაფარვა და რომლის განმავლობაშიც დამდგარი სადაზღვევო შემთხვევები ექვემდებარება ანაზღაურებას.

სადაზღვევო პერიოდი მითითებულია სადაზღვევო პოლისში.

პოლისის უწყვეტად განახლება

მიმდინარე პოლისით განსაზღვრული სადაზღვევო პერიოდის ამოწურვისას/ვადამდე შეწყვეტისას, ახალი პოლისის გაფორმება, რომლის სადაზღვევო პერიოდს იწყება მიმდინარე პოლისის სადაზღვევო პერიოდის დასრულების/შეწყვეტის თარიღის შემდეგ კალენდარულ თარიღში.

სადაზღვევო თანხა/ლიმიტი

პოლისში მითითებული ფიქსირებული თანხა, რომლის ფარგლებშიც გაიცემა სადაზღვევო ანაზღაურება.

მიმდინარე სადაზღვევო ლიმიტი/თანხა დაზღვეულზე

სადაზღვევო შემთხვევის მომენტისათვის პოლისში მითითებული სადაზღვევო ლიმიტის ნაწილი, რომელიც დარჩა წინა სადაზღვევო შემთხვევის ანაზღაურების შემდეგ;

დაზღვეული რისკი

სადაზღვევო პოლისში მითითებული შემთხვევათა ჩამონათვალი, რომელიც იწვევს სადაზღვევო შემთხვევის დადგომას;

მოცდის პერიოდი

პერიოდი, რომლის განმავლობაშიც დაზღვეული რისკის ხდომილებისას, სადაზღვევო ანაზღაურება არ გაიცემა.

ბუნებრივი მიზეზებით გარდაცვალების რისკთან მიმართებით მოცდის პერიოდი შეადგენს დაზღვევის ხელშეკრულების ძალაში შესვლიდან პირველ 90 (ოთხმოცდაათი) კალენდარულ დღეს.

უბედური შემთხვევის შედეგად დროებითი შრომისუნარობისა და დაზღვეული შვილ/ებ/ის შემთხვევაში, ტრავმების რისკთან მიმართებით მოცდის პერიოდი შეადგენს დაზღვევის ხელშეკრულების ძალაში შესვლიდან პირველ 14 (თოთხმეტი) კალენდარულ დღეს.

მოცდის პერიოდი არ ვრცელდება უბედური შემთხვევით გამოწვეული გარდაცვალების რისკთან მიმართებით.

დაზღვევის ტერიტორია

მთელი მსოფლიო (გარდა ერაყის, ავღანეთის, სომალისა და ყველა სხვა ტერიტორიისა, სადაც მიმდინარეობს საომარი მოქმედებები)

გარდაცვალება

ბუნებრივი მიზეზებისა და უბედური შემთხვევის შედეგად დამდგარი გარდაცვალება, გარდა სადაზღვევო პირობების გამონაკლისების მუხლით გათვალისწინებული შემთხვევებისა.

უბედური შემთხვევა

გათვალისწინებული და მოულოდნელი შემთხვევა, გამოწვეული თვალსაჩინო გარეგანი ძალ(ებ)ის ზემოქმედებით, რომელიც განაპირობებს დაზღვეულის ჯანმრთელობის დაზიანებას, შრომისუნარიანობის დაკარგვას ან გარდაცვალებას.

დროებითი შრომისუნარობა

მხოლოდ უბედური შემთხვევით და არა რაიმე სხვა დამოუკიდებელი მიზეზით გამოწვეული სხეულის დაზიანება, რომელიც იწვევს შრომისუნარიანობის დროებით დაკარგვას უწყვეტად 40 დღეზე მეტი პერიოდით და დადასტურებულია საქართველოს შრომის, ჯანმრთელობისა და სოციალური დაცვის მინისტრის #281/6 ბრძანების შესაბამისად გაცემული საავადმყოფო ფურცლით („ბიულეტენით“).

დაზღვევამდე არსებული დაავადება/კათოლოგიური მდგომარეობა

დაზღვევის ხელშეკრულების გაფორმებამდე დიაგნოსტირებული დაავადება ან/და ჯანმრთელობის პრობლემა, რომელიც არსებობდა დაზღვევის ხელშეკრულების გაფორმებამდე.



1. დაზღვევის საგანი

- 1.1 წინამდებარე დაზღვევა ითვალისწინებს სადაზღვევო ანაზღაურების გაცემას მოსარგებლებზე, პოლისში მითითებული დაზღვეული რისკით გამოწვეული სადაზღვევო შემთხვევის დადგომისას, გარდა ამ დოკუმენტით გათვალისწინებული გამონაკლისი შემთხვევებისა.



2. დაზღვევის პროცედურა

- 2.1 **დაზღვევას დაქვემდებარებული პირები:**
დაზღვევას ექვემდებარებიან საქართველოს მოქალაქე ან/და საქართველოში ბინადრობის უფლების მქონე ფიზიკური პირი, რომელიც დაზღვევის შექმნის მომენტისთვის არის 20-დან 53 წლის ჩათვლით, საოჯახო პაკეტის შექმნის შემთხვევაში, მისი კანონიერ ქორწინებაში მყოფი მეუღლე, რომელიც დაზღვევის შექმნის მომენტისთვის არის 20-დან 53 წლის ჩათვლით და მათი შვილ/ებ/ი, რომელნიც დაზღვევის შექმნის მომენტისთვის არიან 3-დან 17 წლის ჩათვლით.
- 2.2 **დაზღვევას არ ექვემდებარებიან:**
- 2.2.1 **ავთვისებიანი სიმსივნის კრა-ინვაზიურ სტადიაზე გამონაკლისაბს წარმოადგენს:**
- დისპლაზია და სხვა პრე-ავთვისებიანი მდგომარეობები;
 - კანის კიბო, გარდა მელანომა in situ-ს (კლინიკური სტადია 0) შემთხვევებისა;
 - კიბო დიაგნოსტირებული სისხლში, ნერწყვში, განავალში, შარდში ან ნებისმიერ სხვა ადამიანურ სითხეში სიმსივნური უჯრედების და/ან სიმსივნესთან დაკავშირებული მოლეკულების აღმოჩენის საფუძველზე, თუ ეს აღმოჩენა არ არის დადასტურებული სხვა ცალსახა კლინიკური მტკიცებულებებით.
- 2.2.2 **დაზღვევამდე არსებული დაავადებების/მდგომარეობების გამონაკლისაბი დაზღვეული შვილების შემთხვევაში:**
- 2.2.3 პირები, რომლებიც დაზღვევის მომენტში ელოდებიან პასუხს COVID-19-ის ტესტზე ან უკვე აქვთ მიღებული დადებითი პასუხი აღნიშნულ ტესტზე; დადებითი პასუხის შემთხვევაში, დაზღვევის გაფორმება შესაძლებელია გამოჯანმრთელებიდან 1 (ერთი) კალენდარული თვის გასვლის შემდეგ;
- 2.2.4 პირები, რომლებიც ფლობენ მზღვეველის ანალოგიურ, სიცოცხლის ვადიანი დაზღვევის ნებაყოფლობით პროდუქტს - „სიცოცხლის ვადიანი ინდივიდუალური დაზღვევას „თიბისი დაზღვევის“ ჯანმრთელობის დაზღვევის მფლობელთათვის“.

- 2.3 პაკეტი A და პაკეტი B-ს შექმნის შემთხვევაში, ან თუ სხვა ანალოგიური, სიცოცხლის ვადიანი ნებაყოფლობითი დაზღვევის პოლის(ებ)ის გათვალისწინებით, დაზღვეულის ჯამური სადაზღვევო თანხა გარდაცვალების რისკზე არ აღემატება 250 (ორასორმოცდაათი) ათას ლარს, დასაზღვევი პირი ხელს აწერს დეკლარაციას (სველი ხელმოწერით ან ელექტრონულად), რომლითაც ადასტურებს რომ დაზღვევის გაფორმების თარიღისთვის, ის არ იმყოფება კარანტინში/თვითიზოლაციაში, არ ელოდება პასუხს COVID-19-ის ტესტზე ან მას არ აქვს მიღებული დადებითი პასუხი აღნიშნულ ტესტზე, ხოლო დადებითი პასუხის შემთხვევაში გამოჯანმრთელებიდან გასულია 1 (ერთი) კალენდარულ თვეზე მეტი და არ აწუხებს დეკლარაციის ფორმაში ჩამოთვლილი დაავადებები. აღნიშნული დეკლარაცია წარმოადგენს სადაზღვევო ხელშეკრულების გაფორმების წინაპირობას და მის განუყოფელ ნაწილს. დეკლარაციაში ერთ კითხვაზე მაინც (გარდა კითხვებისა, რომლებიც ეხება წონას, სიმაღლეს, თამბაქოს მოწევისა და სიცოცხლის დაზღვევის სხვა პოლისის ქონას) დადებითი პასუხის შემთხვევაში, პირი დაზღვევას არ ექვემდებარება. ასეთი პირი არ ჩაითვლება დაზღვეულად, მის სასარგებლოდ პრემიის გადახდის პირობებშიც კი, ხოლო გადახდილი პრემია უკან დაბრუნებას არ ექვემდებარება. პასუხებმა წონასთან, სიმაღლესთან ან/და სხვა პოლისის ქონასთან დაკავშირებულ კითხვებზე შეიძლება განაპირობონ დაზღვევაზე უარი ან სამედიცინო კითხვარის შევსების მოთხოვნა, როგორც აღწერილია მუხლი 2.4-ში.
- 2.4 პაკეტი C-ს შექმნის შემთხვევაში, ან თუ სხვა ანალოგიური, სიცოცხლის ვადიანი ნებაყოფლობითი დაზღვევის პოლის(ებ)ის გათვალისწინებით, დაზღვეულის ჯამური სადაზღვევო თანხა გარდაცვალების რისკზე უდრის ან აღემატება 250 (ორასორმოცდაათი) ათას ლარს, დასაზღვევი პირი ავსებს სამედიცინო კითხვარს, ხოლო საოჯახო პაკეტის შექმნის შემთხვევაში და იმ პირობით, რომ სხვა ანალოგიური, სიცოცხლის ვადიანი ანალოგიური დაზღვევის პოლის(ებ)ის გათვალისწინებით, მეუღლის ჯამური სადაზღვევო თანხა გარდაცვალების რისკზე არ აღემატება 250 (ორასორმოცდაათი) ათას ლარს, მისი მეუღლე ხელს აწერს დეკლარაციას პუნქტი 2.3-ის მიხედვით. თუ მეუღლის ჯამური სადაზღვევო თანხა სხვა ანალოგიური, სიცოცხლის ვადიანი ნებაყოფლობითი დაზღვევის პოლის(ებ)ის გათვალისწინებით, უდრის ან აღემატება 250 (ორასორმოცდაათი) ათას ლარს, მეუღლე ავსებს სამედიცინო კითხვარს. კითხვარის შევსებიდან 3 (სამი) სამუშაო დღეში მზღვეველი იღებს გადაწყვეტილებას რისკის აღება/არაღებასთან დაკავშირებით და რისკის აღების შემთხვევაში, შესაბამის პირობებზე, ან მოითხოვს დამატებით სამედიცინო დოკუმენტაციას ან/და სამედიცინო კვლევების ჩატარებას.
- 2.5 წინამდებარე პირობებით გათვალისწინებული დაზღვევის შექმნით, დამზღვევი აცხადებს წინასწარ თანხმობას და ანიჭებს მზღვეველს უფლებამოსილებას, სადაზღვევო შემთხვევის დადგომისას, მზღვეველმა ნებისმიერი სამედიცინო დაწესებულებიდან ან/და ნებისმიერი სხვა მესამე პირისგან გამოითხოვოს დაზღვეულის სამედიცინო ჩანაწერები და სხვა სამედიცინო ინფორმაცია, ასევე პერსონალური ინფორმაცია, რაც საჭიროა რისკის შესაფასებლად ან/და დაზღვევო შემთხვევის გარემოებების დასადგენად.

- 2.6 მოცდის პერიოდი არ შეეხება იმ დაზღვეულებს, ვინც სადაზღვევო პერიოდის ამოწურვის შემდეგ უწყვეტად (ანუ იმავე თარიღში) განაახლებენ სადაზღვევო პოლისს იგივე ან ნაკლებ სადაზღვევო თანხაზე.
- 2.7 მოცდის პერიოდი ბუნებრივი მიზეზით გარდაცვალების რისკთან მიმართებით არ შეეხება ინდივიდუალური პოლისით დაზღვეულს და საოჯახო პოლისის ძირითად დაზღვეულს, რომელიც ფლობდა მზღვევლის ანალოგიურ პროდუქტს (სიცოცხლის ვადიანი ნებაყოფლობითი დაზღვევა) იგივე ან ნაკლები სადაზღვევო ლიმიტით და უწყვეტად შეიძინა ეს პროდუქტი.
- 2.8 თუ არსებული პოლისის გაუქმებას ან/და ამოწურვასა და ახალი სადაზღვევო პოლისის გაფორმებას შორის იქნება წყვეტა, მოცდის პერიოდის ათვლა დაიწყება თავიდან.
- 2.9 თუ არსებული პოლისის გაუქმებისას ან/და ამოწურვისას ახალი სადაზღვევო პოლისი უწყვეტად გაფორმდება გაზრდილ სადაზღვევო თანხაზე, მოცდის პერიოდის ათვლა დაიწყება თავიდან, თუ მზღვევლის მხრიდან არ გაიცა სპეციალური თანხმობა მოცდის პერიოდის თავიდან არამოქმედებაზე.



3. დაზღვეული რისკები და ბენეფიტები

- 3.1 დაზღვევის ხელშეკრულება შედგება შესაბამისი დეკლარაციის ან სამედიცინო კითხვარის, მის საფუძველზე გაცემული სადაზღვევო პოლისის, ხელშეკრულების მნიშვნელოვანი პირობებისა და წინამდებარე პირობებისაგან.

წინამდებარე დაზღვევა ითვალისწინებს:

- 3.2 ინვიდუალური პოლისის შექმნის შემთხვევაში:
- 3.2.1 სადაზღვევო პერიოდის განმავლობაში, მოცდის პერიოდის ამოწურვის შემდეგ, დაზღვეული პირის ბუნებრივი მიზეზით გარდაცვალებისას პოლისში მითითებული ფიქსირებული სადაზღვევო თანხის ანაზღაურებას.
- 3.2.2 სადაზღვევო პერიოდის განმავლობაში დამდგარი უბედური შემთხვევის დღიდან 12 (თორმეტი) კალენდარული თვის განმავლობაში მომხდარი, უშუალოდ ამ უბედური შემთხვევით გამოწვეული დაზღვეული პირის გარდაცვალებისას, პოლისში მითითებული ფიქსირებული სადაზღვევო თანხის ანაზღაურებას.
- 3.2.3 სადაზღვევო პერიოდის განმავლობაში, მოცდის პერიოდის ამოწურვის შემდეგ, უბედური შემთხვევის შედეგად, უშუალოდ ამ უბედური შემთხვევით გამოწვეული დროებითი შრომისუნარობის შემთხვევაში, ბიულეტენზე ყოფნის პერიოდში ყოველდღიური ანაზღაურების გაიცემა შემდეგი წესების მიხედვით:

- 3.2.3.1 თუ დაზღვეული დასაქმებულია შრომითი ხელშეკრულებით კერძო კომპანიაში ან სახელმწიფო სტრუქტურაში, უწყვეტად 40 (ორმოცი) კალენდარულ დღეზე მეტი ხნით ბიულეტენზე ყოფნისას ანაზღაურება გაიცემა 40 (ორმოცი) კალენდარული დღის გასვლის შემდეგ იმ დღიდან, როდესაც დამსაქმებელი შეუწყვეტს დაზღვეულს შრომით ხელშეკრულებას და გაგრძელდება დაზღვეულისთვის ბიულეტენის დახურვის დღემდე. ანაზღაურება გამოითვლება შემდეგი წესით: შრომითი ხელშეკრულების შეწყვეტის დღიდან ბიულეტენის დახურვამდე კალენდარული დღეების რაოდენობა (მაგრამ არაუმეტეს 180 (ასოთხმოცი) დღისა) გამრავლებული დღეში ასაღები ნეტ (გადასახადების გარეშე) ხელფასის 60%-ზე, თვეში ასანაზღაურებელი თანხა არ უნდა აღემატებოდეს შესაბამისი სადაზღვევო პაკეტით გათვალისწინებული და პოლისში მითითებული თვიური ლიმიტის ოდენობას. დღეში ასაღები ნეტ ხელფასი გამოითვლება შეწყვეტილი შრომითი ხელშეკრულებით გათვალისწინებული თვიური ნეტ ხელფასის 30-ზე გაყოფით.
- 3.2.3.2 თუ დაზღვეული დასაქმებულია მომსახურების ხელშეკრულებით ან თვითდასაქმებულია, უწყვეტად 40 (ორმოცი) კალენდარულ დღეზე მეტი ხნით ბიულეტენზე ყოფნისას ანაზღაურება გაიცემა 41-ე (ორმოცდაერთი) დღიდან და გამოითვლება შემდეგი წესით: ბიულეტენზე ყოფნის დღეებს გამოაკლდება 40 (ორმოცი) კალენდარული დღე, მიღებული დღეების რაოდენობა, მაგრამ არა უმეტეს 180 (ასოთხმოცი) დღისა, მრავლდება დაზღვეულის ყოველდღიური ნეტ შემოსავლის 60%-ზე. თვეში ასანაზღაურებელი თანხა არ უნდა აღემატებოდეს შესაბამისი სადაზღვევო პაკეტით გათვალისწინებული და პოლისში მითითებული თვიური ლიმიტის ოდენობას. ყოველდღიური შემოსავალი დაანგარიშდება დაზღვეულის ბოლო 6 (ექვსი) კალენდარული თვის განმავლობაში დაბეგრული შემოსავლების ჯამის 180-ზე გაყოფით. შემოსავლებში არ ითვლება ისეთი ტიპის შემოსავალი, როგორცაა იჯარით მიღებული, დივიდენდები ან სხვა, რომელიც არ მოითხოვს დაზღვეულის შრომას.
- 3.3 საოჯახო პოლისის შექმნის შემთხვევაში ძირითადი დაზღვეულთან მიმართებით:
- 3.3.1 სადაზღვევო პერიოდის განმავლობაში, მოცდის პერიოდის ამოწურვის შემდეგ, დაზღვეული პირის ბუნებრივი მიზეზით გარდაცვალებისას პოლისში მითითებული ფიქსირებული სადაზღვევო თანხის ანაზღაურებას.
- 3.3.2 სადაზღვევო პერიოდის განმავლობაში დამდგარი უბედური შემთხვევის დღიდან 12 (თორმეტი) კალენდარული თვის განმავლობაში მომხდარი, უშუალოდ ამ უბედური შემთხვევით გამოწვეული დაზღვეული პირის გარდაცვალებისას, პოლისში მითითებული ფიქსირებული სადაზღვევო თანხის ანაზღაურებას.
- 3.3.3 სადაზღვევო პერიოდის განმავლობაში, მოცდის პერიოდის ამოწურვის შემდეგ, უბედური შემთხვევის შედეგად, უშუალოდ ამ უბედური შემთხვევით გამოწვეული დროებითი შრომისუნარობის შემთხვევაში, ბიულეტენზე ყოფნის პერიოდში ყოველდღიური ანაზღაურების გაცემას შემდეგი წესების მიხედვით:

- 3.3.3.1 თუ დაზღვეული დასაქმებულია შრომითი ხელშეკრულებით კერძო კომპანიაში ან სახელმწიფო სტრუქტურაში, უწყვეტად 40 (ორმოცი) კალენდარულ დღეზე მეტი ხნით ბიულეტენზე ყოფნისას ანაზღაურება გაიცემა 40 (ორმოცი) კალენდარული დღის გასვლის შემდეგ იმ დღიდან, როდესაც დამსაქმებელი შეუწყვეტს დაზღვეულს შრომით ხელშეკრულებას და გაგრძელდება დაზღვეულისთვის ბიულეტენის დახურვის დღემდე. ანაზღაურება გამოითვლება შემდეგი წესით: შრომითი ხელშეკრულების შეწყვეტის დღიდან ბიულეტენის დახურვამდე კალენდარული დღეების რაოდენობა (მაგრამ არაუმეტეს 180 (ასოთხმოცი) დღისა) გამრავლებული დღეში ასაღები ნეტ (გადასახადების გარეშე) ხელფასის 60%-ზე, თვეში ასანაზღაურებელი თანხა არ უნდა აღემატებოდეს შესაბამისი სადაზღვევო პაკეტით გათვალისწინებული და პოლისში მითითებული თვიური ლიმიტის ოდენობას. დღეში ასაღები ნეტ ხელფასი გამოითვლება შეწყვეტილი შრომითი ხელშეკრულებით გათვალისწინებული თვიური ნეტ ხელფასის 30-ზე გაყოფით.
- 3.3.3.2 თუ დაზღვეული დასაქმებულია მომსახურების ხელშეკრულებით ან თვითდასაქმებულია, უწყვეტად 40 (ორმოცი) კალენდარულ დღეზე მეტი ხნით ბიულეტენზე ყოფნისას ანაზღაურება გაიცემა 41-ე (ორმოცდაერთი) დღიდან და გამოითვლება შემდეგი წესით: ბიულეტენზე ყოფნის დღეებს გამოაკლდება 40 (ორმოცი) კალენდარული დღე, მიღებული დღეების რაოდენობა, მაგრამ არა უმეტეს 180 (ასოთხმოცი) დღისა, მრავლდება დაზღვეულის ყოველდღიური ნეტ შემოსავლის 60%-ზე. თვეში ასანაზღაურებელი თანხა არ უნდა აღემატებოდეს შესაბამისი სადაზღვევო პაკეტით გათვალისწინებული და პოლისში მითითებული თვიური ლიმიტის ოდენობას. ყოველდღიური შემოსავალი დაანგარიშდება დაზღვეულის ბოლო 6 (ექვსი) კალენდარული თვის განმავლობაში დაბეგრული შემოსავლების ჯამის 180-ზე გაყოფით. შემოსავლებში არ ითვლება ისეთი ტიპის შემოსავალი, როგორცაა იჯარით მიღებული, დივიდენდები ან სხვა, რომელიც არ მოითხოვს დაზღვეულის შრომას.
- 3.4 საოჯახო პოლისის შექმნის შემთხვევაში დაზღვეული მეუღლის მიმართებაში:
- 3.4.1 სადაზღვევო პერიოდის განმავლობაში, მოცდის პერიოდის ამოწურვის შემდეგ, დაზღვეული პირის ბუნებრივი მიზეზით გარდაცვალებისას პოლისში მითითებული ფიქსირებული სადაზღვევო თანხის ანაზღაურებას.
- 3.4.2 სადაზღვევო პერიოდის განმავლობაში დამდგარი უბედური შემთხვევის დღიდან 12 (თორმეტი) კალენდარული თვის განმავლობაში მომხდარი, უშუალოდ ამ უბედური შემთხვევით გამოწვეული დაზღვეული პირის გარდაცვალებისას, პოლისში მითითებული ფიქსირებული სადაზღვევო თანხის ანაზღაურებას.
- 3.5 საოჯახო პოლისის შექმნის შემთხვევაში დაზღვეული შვილ/ებ/ის მიმართებაში:

3.5.1 მხოლოდ უბედური შემთხვევით და არა რაიმე სხვა დამოუკიდებელი მიზეზით გამოწვეული, სხეულის დაზიანების სიმძიმის მიხედვით სადაზღვევო ანაზღაურების გაცემა, ქვემოთ მოყვანილი პროცენტული წილების მიხედვით, სადაც 100% ანაზღაურება უდრის მიმდინარე სადაზღვევო თანხას. სადაზღვევო შემთხვევებისა და დაზღვეული შვილების რაოდენობის მიუხედავად გასაცემი სადაზღვევო ანაზღაურება არ აღემატება ამ რისკით გათვალისწინებულ, პოლისში მითითებულ ლიმიტს.

მხედველობის სრული დაკარგვა ორივე თვალში	100%
ორივე ყურში სმენის დაკარგვა	100%
ქვედა ყბის მოცილება	100%
მეტყველების უნარის დაკარგვა	100%
ორი კიდურის დაკარგვა	100%
ორგანიზმის ძირითადი ფუნქციების დარღვევა - მეოთხე ხარისხი - ფუნქციების მკვეთრად გამოხატული დარღვევა - საქართველოს შრომის, ჯანმრთელობის და სოციალური დაცვის მინისტრის 2003 წ 13 იანვრის ბრძანება 1/6 შესაბამისად	100%

კიდურების ან ორგანოების დაკარგვა ნიშნავს კიდურის ან ორგანოს ფუნქციის სრულ მუდმივ მოშლას ან მათ ფიზიკურ დაკარგვას. ფუნქციის სრული მუდმივი მოშლა უნდა იყოს დადასტურებული უბედური შემთხვევიდან 6-თვიანი პერიოდის გასვლის შემდეგ ჩატარებული სამედიცინო ექსპერტიზის დასკვნით.

თავის ქალას ძვლოვანი ქსოვილის დეფექტი	
6 სმ ² მეტი ზომით	40%
ზომით 3-6 სმ ²	20%
3 სმ ² ნაკლები ზომით	10%
ნახევარი ყბის დაკარგვა	40%
მხედველობის დაკარგვა ერთ თვალში	50%
ერთი თვალის დაზიანება: II-III ხარისხის დამწვრობა, ჰემოფთალმი, გუგის ფორმის შეცვლა, თვალის გარსების ნაწიბურები, რქოვანას ეროზია	10%
ერთ ყურში სმენის დაკარგვა	30%
ყურის ნაჟარის 1/2-მდე დაკარგვა	10%
ყურის ნიჟარის სრული დაკარგვა	15%
დაფის აპკის პერფორაცია	10%
თავის ქალის ფუძის მოტეხილობა	40%
თავის ქალის თალის მოტეხილობა	30%
სუბარაქნოიდული სისხლჩაქცევა	20%
ეპიდურული სისხლჩაქცევა	25%
სუბდურული სისხლჩაქცევა	30%
თავის/ზურგის ტვინის დაჟეჟილობა	15%

ცხვირის ძვლების, ფრონტალური, ჰაიმორის სინუსის ძვლის, ცხავის ძვლის მოტეხილობა	20%
ცხვირის დაკარგვა	30%

მკერდის ძვლის მოტეხილობა	10%
3 ნეკნამდე მოტეხილობა	5%
3-ზე მეტი ნეკნის მოტეხილობა	10%
ხორხის, ტრაქეის, ენისქვეშა ძვლის, ფარისებრი ხრტილის დაზიანება	10%
ზედა სასუნთქი გზების დამწვრობა	20%
გულის, მაგისტრალური სისხლძარღვების დაზიანება	50%
მსხვილი პერიფერიული სისხლძარღვების დაზიანება	15%
ელენთის სუბკაპსულარული დაზიანება ჩარევის გარეშე	10%
სპლენექტომია ელენთის დაზიანების შედეგად	30%

III-IV ხარისხის დამწვრობა	
სხეულის ზედაპირის 1-2%	10%
სხეულის ზედაპირის 2.1-4%	15%
სხეულის ზედაპირის 4.1-6%	20%
სხეულის ზედაპირის 6.1-8%	25%
სხეულის ზედაპირის 8.1-10%	30%
სხეულის ზედაპირის >10%	35%
I-II ხარისხის დამწვრობა	
სხეულის ზედაპირის 4.1-10%	5%
სხეულის ზედაპირის >10%	10%
ხერხემალი	
1-2 მალის მოტეხილობა	20%
3-5 მალის მოტეხილობა	30%
>5 მალის მოტეხილობა	40%
მალთაშუა მყესების გახლეჩა	10%
კუდუსუნის მოტეხილობა	15%

ზედა კიდურები	
ბეჭის, ლავინის ძვლების მოტეხილობა, აკრომიონ-ლავინის, თორაკო-კლავიკულარული მყესების სრული გახლეჩა	10%
მხრის სახსრის მყესების სრული გახლეჩა	10%
მხრის ძვლის მოტეხილობა	15%
მოტეხილობა იდაყვის სახსრის არეში	15%
იდაყვის სახსრის მყესების სრული გახლეჩა	10%
ერთი მკლავის/მტევნის დაკარგვა	70%
კანკუნთის ნერვის სრული დაზიანება	20%
მხრის სახსრის ანკილოზი	40%
იდაყვის სახსრის ანკილოზი	
- ხელსაყრელ პოზიციაში (150 ფარგლებში)	25%
- არახელსაყრელ პოზიციაში	40%
წინამხრის ძვლების მოტეხილობა	10%
შუამდებარე ნერვის სრული დაზიანება	45%
სხივის ნერვის სრული დაზიანება მხრის წნულში	40%
სხივის ნერვის წინამხრის ნაწილის სრული დაზიანება	30%
სხივის ნერვის მტევნის ნაწილის სრული დაზიანება	20%

იდაყვის ნერვის სრული დაზიანება	30%
მოტეხილობა მაჯის სახსრის არეში, მყესების სრული გაგლეჯა	10%
მაჯის სახსრის ანკილოზი არახელსაყრელ პოზიციაში (მოხრილ ან სუპინაციოს პოზიციაში)	30%
თითების მოტეხილობა	5%
ცერა თითის დაკარგვა	20%
ცერა თითის სრული ანკილოზი	15%
სამკვეთელი თითის დაკარგვა	15%
შუათითის დაკარგვა	10%
ნებისმიერი სხვა თითის დაკარგვა	7%

ქვედა კიდურები	
ერთი ფეხის დაკარგვა ბარძაყის ქვედა ორი მესამედის ზევით	70%
ერთი ფეხის დაკარგვა ბარძაყის ზედა მესამედის ქვემოთ	60%
ერთი ტერფის დაკარგვა	45%
ბარძაყის ნერვის სრული დაზიანება	60%
ბარძაყის სახსრის ღრძობა	5%
ბარძაყის სახსრის მყესების სრული გაგლეჯა	10%
ბარძაყის ძვლის (თავის, ყელის) მოტეხილობა ბარძაყის სახსრის არეში	25%
ბარძაყის ძვლის მოტეხილობა არა ბარძაყის სახსრის არეში	20%
დიდი წვივის ნერვის ან მცირე წვივის ნერვის სრული დაზიანება	30%
დიდი წვივის ნერვის და მცირე წვივის ნერვის სრული დაზიანება	50%
მენჯ-ბარძაყის სახსრის ანკილოზი	40%
მუხლის სახსრის ანკილოზი	20%
მოტეხილობა მუხლის სახსრის არეში	15%
მუხლის სახსრის მყესების სრული გაგლეჯა	10%
კვირისტავის ძვლოვანი ქსოვილის დაზიანება, შეზღუდული მოძრაობით მუხლის სახსარში	40%
კვირისტავის ძვლოვანი ქსოვილის დაზიანება, შენარჩუნებული მოძრაობით მუხლის სახსარში	20%
დიდი წვივის მოტეხილობა	10%
მცირე წვივის მოტეხილობა	5%
მოტეხილობა კოჭ-წვივის სახსრის არეში	5%
კოჭ-წვივის სახსრის მყესების სრული გაგლეჯა	5%
ტერფის 1-2 ძვლის მოტეხილობა	5%
ტერფის >2ძვლის მოტეხილობა	10%
1 თითის მოტეხილობა	1%
2-3 თითის მოტეხილობა	3%
4-5 თითის მოტეხილობა	5%
ქვედა კიდურის დამოკლება 5 სმ-ით და მეტი	30%
ქვედა კიდურის დამოკლება 3-5 სმ-ით	20%
ქვედა კიდურის დამოკლება 1-3 სმ-ით	10%

წყვილი ორგანოების/კიდურების დაკარგვის შემთვევაში, შესაბამისი პროცენტული წილები დაჯამდება, მაგრამ არ უნდა აღემატებოდეს 100%-ს.

გარდა ცხრილში მოყვანილი ორგანოს/კიდურის/ნაწილის ფიზიკური დაკარგვის ან ფუნქციის სრული მუდმივი მოშლის სხვა შემთხვევებში ანაზღაურება მოხდება შემდეგი წესით:

- ორგანიზმის ძირითადი ფუნქციების დარღვევა - მეორე ხარისხი - ფუნქციების ზომიერად გამოხატული დარღვევა - საქართველოს შრომის, ჯანმრთელობის და სოციალური დაცვის მინისტრის 2003 წ 13 იანვრის ბრძანება 1/6 შესაბამისად - სადაზღვევო თანხის 30%.
- ორგანიზმის ძირითადი ფუნქციების დარღვევა - მესამე ხარისხი - ფუნქციების მნიშვნელოვნად გამოხატული დარღვევა - საქართველოს შრომის, ჯანმრთელობის და სოციალური დაცვის მინისტრის 2003 წ 13 იანვრის ბრძანება 1/6 შესაბამისად - სადაზღვევო თანხის 70%.

გარდა ცხრილში მოყვანილი ტრავმების სახეობებისა სხვა ტრავმების შემთხვევებში ანაზღაურება მოხდება შემდეგი წესით:

თუ უბედური შემთხვევით განპირობებული დაზიანება მოითხოვს არანაკლებ 10 დღის ხანგრძლივობის განუწყვეტელ სტაციონარულ ან/და ამბულატორულ მკურნალობას, ანაზღაურება გაიცემა:

10-15-დღიანი განუწყვეტელი მკურნალობა	3%
>15-დღიანი განუწყვეტელი მკურნალობა	5%

X 4. გამონაკლისები

- 4.1 წინამდებარე პირობების თანახმად, დაზღვეულის გარდაცვალების ან/და დროებითი შრომისუუნარობის/სხეულის დაზიანების შემთხვევაში დამდგარი ზარალი მზღვეულის მიერ არ ანაზღაურდება, თუ ის პირდაპირ ან არაპირდაპირ გამოწვეულია შემდეგი მოვლენებით:
 - 4.1.1 მოცდის პერიოდის განმავლობაში ბუნებრივი მიზეზით დამდგარი გარდაცვალება, დროებითი შრომისუუნარობა და სხეულის დაზიანება;
 - 4.1.2 დაზღვეულია პირი, რომელიც წინამდებარე პირობების მიხედვით დაზღვევას არ ექვემდებარება. ასევე, დაზღვეული მეუღლის გარდაცვალება, თუ დაზღვევის მომენტში ის არ იმყოფებოდა ოფიციალურ, საქართველოს კანონმდებლობით აღიარებულ, ქორწინებაში ძირითად დაზღვეულთან. ამასთან, ასეთი პირების სასარგებლოდ გადახდილი პრემია უკან დაბრუნებას არ ექვემდებარება.
 - 4.1.3 პირველი სადაზღვევო წლის განმავლობაში დაზღვევამდე არსებული დაავადებით/პათოლოგიური მდგომარეობით ან/და მისი გართულებებით გამოწვეული გარდაცვალება; ეს გამონაკლისი აღარ არის ძალაში მეორე სადაზღვევო წლიდან;

- 4.1.4 ნარკოტიკული ნივთიერებების, ტოქსიკური, ფსიქოტროპული ან ალკოჰოლური ნივთიერებების ზემოქმედება და მათი მოხმარებით გამოწვეული გართულებები; ასევე, თუ დაზღვეული შემთხვევის დადგომის მომენტში იმყოფებოდა ალკოჰოლის და/ან ნარკოტიკული და/ან ტოქსიკური და/ან ფსიქოტროპული ნივთიერებების მოქმედების ქვეშ, გარდა იმ შემთხვევისა, როდესაც ნარკოტიკული ან ფსიქოტროპული საშუალება დანიშნულია შესაბამისი სამედიცინო ჩვენებით, სერტიფიცირებული ექიმის მიერ;
- 4.1.5 დაზღვეულის თავისუფლების აღკვეთის დაწესებულებაში ყოფნის დროს დამდგარი შემთხვევები;
- 4.1.6 დაზღვეულის გარდაცვალება გამოწვეულია შიდსით, აივ-ინფექციით ან ნებისმიერი ტიპის ჰეპატიტით (გარდა A ჰეპატიტისა), ღვიძლის ციროზით, ღვიძლის კიბოთი ან მათი გართულებებით;
- 4.1.7 თვითმკვლელობა, თვითდაზიანება ან მათი მცდელობა; განსაკუთრებული საფრთხის მიმართ შეგნებული გაუფრთხილებლობა (თუ ეს ადამიანის სიცოცხლის გადარჩენის მიზნით არ ხდება);
- 4.1.8 დაზღვეულის მონაწილეობა საქართველოს (ან გარდაცვალების/უბედური შემთხვევის ადგილის მიხედვით შესაბამისი ქვეყნის) კანონმდებლობით გათვალისწინებულ კანონსაწინააღმდეგო ქმედებებში;
- 4.1.9 ომი (გამოცხადებული ან გამოუცხადებელი), სამოქალაქო ომი, აჯანყება, რევოლუცია, გაფიცვა, ხელისუფლების სამხედრო გადატრიალება;
- 4.1.10 შემთხვევის მიზეზი გახდა დაზღვეულის ან/და მოსარგებლის განზრახ ქმედება;
- 4.1.11 დაზღვეულის გარდაცვალება/შრომისუნარობა/სხეულის დაზიანება მოჰყვა ნებისმიერ ტერორისტულ აქტს. ტერორისტული აქტი გულისხმობს, მაგრამ არ შემოიფარგლება, პოლიტიკური, რელიგიური, იდეოლოგიური ან ეთნიკური მოტივით სახელმწიფოზე ზეგავლენის მოხდენის მიზნით ან/და საზოგადოების ან მისი რომელიმე ნაწილის დაშინების მიზნით გამოყენებულ ძალას ან ძალადობას და/ან მუქარას ნებისმიერი პირის ან პირთა ჯგუფის მიერ, მიუხედავად იმისა, მოქმედებენ ისინი მარტო თუ რაიმე ორგანიზაცი(ებ)ის ან ხელისუფლებ(ებ)ის სახელით ან მათთან შეთანხმებულად;
- 4.1.12 დაზღვეულის ფსიქიკური ავადმყოფობა, მაგრამ ეს შეზღუდვა არ ვრცელდება პირებზე, რომლებიც ფსიქიკურად დაავადდნენ დაზღვევის ხელშეკრულების გაფორმებისა და მოცდის პერიოდის ამოწურვის შემდეგ;
- 4.1.13 დაზღვეულის მონაწილეობა შემდეგი მაღალი რისკის შემცველ აქტივობებში: სპორტის საბრძოლო სახეობები, აკვალანგით ყვინთვა, ნადირობა, კლდეზე ცოცვა, ალპინიზმი, ჯომარდობა, მოტორიანი ნავით, კატამარანით, მოპედით მოტოროლერით, სკუტერით, მოტოციკლით, კვადროციკლით გადაადგილება, პარაშუტით ხტომა, დელტა და პარაპლანერიზმი, სკაისერფინგი, ვინდსერფინგი, პარკური, ექსტრემალური ველოსპორტი (მაუნთინბაუკინგი, დერტჯამპინგი), ავტო და მოტო რბოლა, დოლები, მღვიმეებსა და გამოქვაბულებში ყოფნა და გადაადგილება, გაუკვალავ თოვლში თხილამურებზე და სნოუბორდზე სრიალი, ტრამპლინიდან ხტომა, „სნოუმობაილინგი“, „Freestyle“ სრიალი, ვერტმფრენიდან სრიალი (Heli Skiing), სკი-ქროსი, კურორტის

- რუკაზე აღნიშნული სასრიალო ტრასის/ტრასებს გარეთ სრიალი; ექსტრემალური და პროფესიული სპორტის სახეობები, ავიაცია და მასთან დაკავშირებული სპორტის სახეობები; დაზღვეულის გარდაცვალება/შრომისუნარობა/სხეულის დაზიანება მოჰყვა სანაძლეოს, აკრობატულ ოინებს, ნებისმიერი სახის რეკორდის დამყარებას, მის მცდელობას ან მისთვის მზადებას;
- 4.1.14 ავტომობილის ან/და სხვა მექანიკური სატრანსპორტო საშუალების მართვა შესაბამისი მართვის მოწმობის გარეშე ან/და ავტომობილის ან/და სხვა მექანიკური სატრანსპორტო საშუალების მართვა ნარკოტიკული, ტოქსიკური, ფსიქოტროპული ან ალკოჰოლური ნივთიერებების ზემოქმედების ქვეშ;
- 4.1.15 დაზღვეულის ყოფნა ან მონაწილეობა: პოლიციის, სამხედრო ფლოტის, ჯარის ან სამხედრო საჰაერო ძალების შემადგენლობაში ან სამხედრო ოპერაციებში/წვრთნებში;
- 4.1.16 დაზღვეულის პროფესიული საქმიანობა, როგორცაა მაღაროში, მიწისქვეშა, ქვის სამტეხლოში, ფეთქებად-საშიშ მასალებთან და საომარ აღჭურვილობასთან, ნავთობ პროდუქტებთან, მაღალი ძაბვის კაბელებთან, ნავთობ და გაზ-ჭაბურღილის ბურღვასთან, საშიშ ქიმიურ ნივთიერებებთან დაკავშირებული სამუშაოები;
- 4.1.17 დაზღვეულის გარდაცვალება/შრომისუნარობა გამოიწვია ბირთვული ენერგიით (ბირთვული რეაქციები, რადიაცია, დაბინძურება) ნებისმიერმა დაზიანებამ ან დაავადებამ, რომელიც პირდაპირ თუ არაპირდაპირ გამოწვეულია ან შედეგად მოყვა ბირთვული საწვავით ან ბირთვული საწვავის აფეთქებით გამოწვეულ იონიზირებულ დასხივებას ან რადიოაქტიურ დაბინძურებას;
- 4.1.18 საავიაციო რისკები, გარდა იმ შემთხვევისა, როდესაც დაზღვეული წარმოადგენს რეგულარული ან ჩარტერული ავიარეისის მგზავრს;
- 4.1.19 სამედიცინო დანიშნულების არაგონივრული უარყოფა; ასევე, დაზღვეულის მიერ არალიცენზირებულ სამედიცინო დაწესებულებებში მკურნალობის კურსის ან თვითმკურნალობის შედეგად გამოწვეული ჯანმრთელობის გაუარესება;
- 4.1.20 ნებისმიერი შემთხვევა, თუ დადგინდა არ იქნება გარდაცვალების გამომწვევი დიაგნოზი. დაზღვეულის უგზო-უკვლოდ დაკარგულად აღიარება სადაზღვევო შემთხვევას არ წარმოადგენს;
- 4.1.21 დაზღვეულის ჯანმრთელობასთან, პროფესია/საქმიანობასთან ან სადაზღვევო შემთხვევასთან დაკავშირებული ინფორმაციის ან ნებისმიერი სხვა ინფორმაციის დამალვა ან გაყალბება, როგორც დაზღვევის ხელშეკრულების დადებისას ასევე მისი მოქმედების პერიოდში და სადაზღვევო შემთხვევის დადგომის შემდეგაც.
- 4.1.22 თუ დაზღვეულმა შეიცვალა პროფესია ან საქმიანობა და მზღვეველს არ შეატყობინა ამ ცვლილებების შესახებ, ხოლო უკანასკნელს გავლენა ჰქონდა სადაზღვევო შემთხვევის დადგომაზე.

- 4.2 წინამდებარე პირობების თანახმად, გარდა პუნქტ 4.1-ში ჩამოთვლილი გამონაკლისებისა დაზღვეულის დროებითი შრომისუნარობის შემთხვევაში დამდგარი ზარალი მზღვეველის მიერ არ ანაზღაურდება, თუ ის პირდაპირ ან არაპირდაპირ გამომწვეულია შემდეგი მოვლენებით:
- 4.2.1 თუ უბედური შემთხვევის დადგომის მომენტისათვის, დაზღვეული არ/ალარ იქნება დასაქმებული/თვითდასაქმებული;
 - 4.2.2 შემთხვევები, რომლებიც არ არის განპირობებული უბედური შემთხვევით;
 - 4.2.3 დაზღვევის მოქმედების დაწყებამდე უბედურ შემთხვევამდე არსებული ფიზიკური ნაკლები, ანომალიები, დაავადებები და მათი გართულებები ან შრომისუნარობა;
 - 4.2.4 მოწამვლას, რომელიც მოყვა დაზღვეულის მიერ თხევადი ან არათხევადი ნივთიერების მიღებას;
 - 4.2.5 აბდომინალური ან საზარდულის თიაქარი; პათოლოგიური მოტეხილობა, სახსარის ჩვეული ამოვარდნა/ღრძობა/ქვეღრძობა;
 - 4.2.6 გარეგანი ძალების ზემოქმედების გარეშე მალთაშორისი დისკების დაზიანება, სისხლდენა შინაგანი ორგანოებიდან და თავის ტვინში სისხლჩაქცევა;
 - 4.2.7 თუ უბედური შემთხვევის დადგომის მომენტისათვის, დაზღვეული იმყოფება ორსულობის, მშობიარობის ან/და ბავშვის მოვლის გამო შვებულებაში;
 - 4.2.8 წინამდებარე პირობების თანახმად, გარდა პუნქტ 4.1-ში ჩამოთვლილი გამონაკლისებისა დაზღვეულის დროებითი შრომისუნარობის შემთხვევაში, ანაზღაურება არ გაიცემა, თუ დაზღვეული ბიულეტენზე ყოფნის პერიოდში კვლავ იმყოფება სახელშეკრულებო ურთიერთობაში დამსაქმებელთან და იღებს შრომითი ხელშეკრულებით გათვალისწინებულ ხელფასს.
- 4.3 წინამდებარე პირობების თანახმად, გარდა პუნქტ 4.1-ში ჩამოთვლილი გამონაკლისებისა დაზღვეული შვილის სხეულის დაზიანების შემთხვევაში დამდგარი ზარალი მზღვეველის მიერ არ ანაზღაურდება, თუ ის პირდაპირ ან არაპირდაპირ გამომწვეულია შემდეგი მოვლენებით:
- 4.3.1 შემთხვევები, რომლებიც არ არის განპირობებული უბედური შემთხვევით;
 - 4.3.2 დაზღვევის მოქმედების დაწყებამდე უბედურ შემთხვევამდე არსებული ფიზიკური ნაკლები, ანომალიები, დაავადებები და მათი გართულებები ან შრომისუნარობა;
 - 4.3.3 მოწამვლას, რომელიც მოყვა დაზღვეულის მიერ თხევადი ან არათხევადი ნივთიერების მიღებას;
 - 4.3.4 აბდომინალური ან საზარდულის თიაქარი; პათოლოგიური მოტეხილობა, სახსარის ჩვეული ამოვარდნა/ღრძობა/ქვეღრძობა;
 - 4.3.5 გარეგანი ძალების ზემოქმედების გარეშე მალთაშორისი დისკების დაზიანება, სისხლდენა შინაგანი ორგანოებიდან და თავის ტვინში სისხლჩაქცევა;

წინამდებარე პირობების თანახმად, სადაზღვევო ანაზღაურება არ ექვემდებარება გაცემას, თუ:

- 4.4 არ არის სრულყოფილად წარმოდგენილი მზღვევლის მიერ შემთხვევის შესაფასებლად აუცილებელი საბუთები;
- 4.5 დაზღვევის პროცესში დამზღვევის მიერ არასწორად ან/და არაზუსტად ან/და არასრულად იქნა მოწოდებული ინფორმაცია დაზღვეულის შესახებ, რასაც შეიძლება არსებითი გავლენა ჰქონოდა რისკის შეფასებაზე;
- 4.6 სადაზღვევო შემთხვევის დადგომისას, სადაზღვევო პრემია არ იყო გადახდილი წინამდებარე პირობების 7.4 პუნქტის მოთხოვნების შესაბამისად;
- 4.7 სადაზღვევო შემთხვევასთან დაკავშირებით დამზღვევის და/ან მოსარგებლის მიერ მზღვევლისათვის მიწოდებული დოკუმენტაცია/ინფორმაცია არ შეესაბამება რეალურ ფაქტობრივ გარემოებებს ან /და ყალბია.



5. სადაზღვევო ანაზღაურების გაცემის საფუძვლები

- 5.1 მოსარგებლე ვალდებულია სადაზღვევო პოლისით გათვალისწინებული შემთხვევის დადგომიდან არაუგვიანეს 1 (ერთი) თვის განმავლობაში, აცნობოს ამის შესახებ მზღვეველს (ცხელი ხაზის ნომერზე +995 32 242 22 22 ან ელ. ფოსტაზე: life@tbcinsurance.ge) და წარუდგინოს შემდეგი დოკუმენტები:
 - 5.1.1 **ნებისმიერი ტიპის შემთხვევის დადგომისას:**
 - ანაზღაურების მოთხოვნის განაცხადი;
 - დაზღვეულის პირადობის დამადასტურებელი დოკუმენტის ასლი;
 - სადაზღვევო პოლისი;
 - მოსარგებლ(ებ)ის პირადობის დამადასტურებელი დოკუმენტი;
 - მოსარგებლის/მოსარგებლეების საბანკო რეკვიზიტები;
 - თუ ზარალი უკავშირდება დაზღვეულ მუღლეს - ქორწინების მოწმობის ასლი.
 - 5.1.2 **დაზღვეულის გარდაცვალების შემთხვევაში:**
 - დაზღვეულის გარდაცვალების მოწმობის დედანი ან ნოტარიულად დამოწმებული ასლი;
 - სამედიცინო ცნობა, გარდაცვალების მიზეზის შესახებ (ფორმა 106/ს-4);
 - დიაგნოზის დამადასტურებელი დოკუმენტაცია (სამედიცინო ფორმა iv-100/ა);
 - დაზღვეული პირის უბედური შემთხვევით გამოწვეული გარდაცვალების შემთხვევაში, შესაბამისი სამართალდამცავი ორგანოების მიერ შედგენილი და ხელმოწერილი აქტი
 - ნოტარიულად დამოწმებული სამკვიდრო მოწმობა, საჭიროების შემთხვევაში.

- საჭიროების შემთხვევაში, ოჯახის წევრების (მეუღლის, შვილების, დედ-მამის, და-ძმის) პირადობის დამადასტურებელი მოწმობის ასლები, ასევე ოჯახის წევრების (მეუღლის, შვილების, დედ-მამის, და-ძმის) დაბადების მოწმობის ასლები და დაზღვეულის ქორწინების მოწმობის ასლი;
- იმ შემთხვევაში, თუ მოწოდებული დოკუმენტაციით ვერ ხერხდება დაზღვეულის გარდაცვალების გამომწვევი მიზეზის დადგენა, მზღვეველი უფლებამოსილია მოითხოვოს სამედიცინო ექსპერტიზის დასკვნა.

5.1.3 უბედური შემთხვევის შედეგად დამდგარი დროებითი შრომისუნარობის შემთხვევაში:

- შესაბამისი სამართალდამცავი ორგანოების მიერ შედგენილი და ხელმოწერილი აქტი უბედური შემთხვევის შესახებ;
- დიაგნოზის დამადასტურებელი დოკუმენტაცია (სამედიცინო ფორმა iv-100/ა);
- საქართველოს შრომის, ჯანმრთელობისა და სოციალური დაცვის მინისტრის #281/6 ბრძანების შესაბამისად გაცემული საავადმყოფო ფურცელი;
- თუ დაზღვეული დასაქმებულია შრომითი ხელშეკრულებით კერძო კომპანიაში ან სახელმწიფო სტრუქტურაში - ცნობა სამსახურიდან (დაკავებული თანამდებობის, სამსახურში აყვანის და გათავისუფლების თარიღისა და ხელფასის ოდენობის მითითებით), შრომითი ხელშეკრულების ან/და დანიშვნის ბრძანების ასლი, შრომითი ხელშეკრულების შეწყვეტის ბრძანება, ამონაწერი კომპანიის სახელფასო უწყისიდან, შრომითი ხელშეკრულების შეწყვეტის თარიღამდე ბოლო 6 თვის განმავლობაში ჩარიცხული ხელფასის ოდენობით, ცნობა შემოსავლების სამსახურიდან სადაზღვევო შემთხვევამდე ბოლო 6 თვის განმავლობაში მიღებული შემოსავლების შესახებ;
- თუ დაზღვეული დასაქმებულია მომსახურების ხელშეკრულებით ან თვითდასაქმებულია - საბანკო ამონაწერი სადაზღვევო შემთხვევამდე ბოლო 6 თვის განმავლობაში ჩარიცხვების შესახებ, ცნობა შემოსავლების სამსახურიდან სადაზღვევო შემთხვევამდე ბოლო 6 თვის განმავლობაში მიღებული შემოსავლების შესახებ, მომსახურების ხელშეკრულების ასლი, თუ დაზღვეულის საქმიანობა ითვალისწინებს სპეციალურ ლიცენზირებას - შესაბამისი ლიცენზიის ასლი.

5.1.4 დაზღვეული შვილის შემთხვევაში უბედური შემთხვევის შედეგად სხეულის დაზიანებისას:

- დაბადების მოწმობის ასლი;
- შესაბამისი სამართალდამცავი ორგანოების მიერ შედგენილი და ხელმოწერილი აქტი უბედური შემთხვევის შესახებ;
- სასწავლო დაწესებულებაში ტრავმის მიღების შემთხვევაში - შესაბამისი ცნობა სასწავლო დაწესებულებიდან;
- სპორტული ტრავმის შემთხვევაში ცნობა სპორტული დაწესებულებიდან (კლუბიდან), რომელიც ადასტურებს დაზღვეულის ამ დაწესებულებაში სპორტით დაკავებას (სპორტის სახეობისა და დატვირთვების მითითებით) და ტრავმის მიღებას, სპორტული დაწესებულების ლიცენზიის ასლი;
- დიაგნოზის დამადასტურებელი დოკუმენტაცია (სამედიცინო ფორმა iv-100/ა);

- 5.2 კონკრეტული შემთხვევიდან გამომდინარე, მზღვეველი იტოვებს უფლებას მოითხოვოს წინამდებარე მუხლში ჩამოთვლილი საბუთებისგან განსხვავებული, დამატებითი საბუთების წარმოდგენა კონკრეტული სადაზღვევო შემთხვევის გარემოებების ზუსტად დადგენის მიზნით.
- 5.3 ხელშეკრულებით განსაზღვრული ყველა აუცილებელი დოკუმენტაციის მიღების შემდგომ მზღვეველი 15 (თხუთმეტი) სამუშაო დღის ვადაში განიხილავს და გასცემს მოსარგებლებზე წინამდებარე დაზღვევის პირობების შესაბამისად განსაზღვრულ სადაზღვევო ანაზღაურებას ან უარს ეტყვის მოსარგებლეს ანაზღაურებაზე.
- 5.4 სადაზღვევო ანაზღაურება მზღვეველის მიერ მოსარგებლე(ებ)ზე გაიცემა პოლისში მითითებული სადაზღვევო თანხის ფარგლებში.
- 5.5 იმ შემთხვევაში თუ მოსარგებლე(ებ)ს წარმოადგენენ დაზღვეულის კანონისმიერი მემკვიდრე/ებისადაზღვევო ანაზღაურება გაიცემა სამკვიდრო მოწმობაში მითითებულ პირ(ებ)ზე, სამკვიდრო მოწმობაში მითითებული წესით ან/და პროცენტული თანაფარდობით.
- 5.6 იმ შემთხვევაში თუ დაზღვეული სარგებლობს მზღვეველის სხვა სიცოცხლის ვადიანი ნებაყოფლობითი დაზღვევის პროდუქტით, მიუხედავად სადაზღვევო პოლისების რაოდენობისა და მათი ლიმიტებისა, მოსარგებლ(ებ)ისათვის ასანაზღაურებელი ჯამური თანხა არ აღემატება ამ პოლისით გათვალისწინებული სადაზღვევო თანხის/ლიმიტის ოდენობას.



6. დაზღვევის ხელშეკრულება და მისი ძალაში შესვლის წესი

- 6.1 დაზღვევის ხელშეკრულება ძალაში შედის სადაზღვევო პოლისში მითითებული სადაზღვევო პერიოდის დაწყების თარიღის 24:00 საათზე და მოქმედებს სადაზღვევო პერიოდის დასრულების თარიღის 24:00 საათამდე.
- 6.2 დამზღვევი ვალდებულია სრულად და დროულად გადაიხადოს სადაზღვევო პრემიის ერთჯერადი ან პირველი შესატანი, სადაზღვევო პოლისით გათვალისწინებული გრაფიკის შესაბამისად, წინააღმდეგ შემთხვევაში, მზღვეველი თავისუფალია სადაზღვევო ანაზღაურების გაცემის ვალდებულებისგან.



7. სადაზღვევო პრემია და მისი გადახდის წესი

- 7.1 სადაზღვევო პრემია გადაიხდება ლარში.
- 7.2 სადაზღვევო პრემიის ოდენობა და მისი გადახდის გრაფიკი მითითებულია სადაზღვევო პოლისში.

- 7.3 თუ სადაზღვევო პოლისით განსაზღვრული პირველი ან ერთჯერადი შესატანის გადახდა არ მოხდა დაზღვევის ხელშეკრულების გაფორმების თვის შემდეგი კალენდარული თვის პირველ რიცხვამდე, მზღვეველი მოახდენს დაზღვევის ხელშეკრულების ანულირებას საწყისი თარიღით, დამზღვევისთვის შეტყობინების გაგზავნის გარეშე.
- 7.4 სადაზღვევო პრემიის მრავალჯერადი გადახდის შემთხვევაში, სადაზღვევო პოლისში მითითებული სადაზღვევო პრემიის გადახდის გრაფიკის დარღვევის/ვადაგადაცილებისას (იგულისხმება სადაზღვევო პოლისში მითითებული გრაფიკით გათვალისწინებული ნებისმიერი გადახდა, გარდა პირველი გადახდისა) დამზღვევს დამატებით აქვს ორკვირიანი ვადა გადახდის შესასრულებლად. ამასთან, თუ სადაზღვევო პრემია არ იქნება გადახდილი ამ 14 (თოთხმეტი) დღიან პერიოდში, 14 (თოთხმეტი) კალენდარული დღის გასვლის შემდეგ დამდგარი ზარალები არ ანაზღაურდება, ხოლო სადაზღვევო პოლისში მითითებული გადახდის თარიღის გადაცილებიდან 30 (ოცდაათი) კალენდარული დღის გასვლისთანავე (ოცდამათე კალენდარული დღის 24 საათზე), დამზღვევის მიერ ცალმხრივად შეწყდება დაზღვევის ხელშეკრულება/სადაზღვევო პოლისი.
- 7.5 სადაზღვევო პრემიის მრავალჯერადი გადახდის შემთხვევაში, სადაზღვევო პრემიის გადახდაზე 30 (ოცდაათი) დღიანი ვადაგადაცილების მიზეზით მზღვეველის მიერ დაზღვევის ხელშეკრულების გაუქმების შემთხვევაში, დამზღვევი ვალდებულია სრულად გადაიხადოს დაზღვევის ხელშეკრულების გაუქმების თარიღისთვის გამომუშავებული და გადაუხდელი სადაზღვევო პრემია.
- 7.6 დამზღვევის მიერ დაზღვევის ხელშეკრულების ვადაზე ადრე შეწყვეტისას, თუ დაზღვევის ხელშეკრულების შეწყვეტამდე ადგილი არ ჰქონია სადაზღვევო შემთხვევას, დამზღვევი ვალდებულია სრულად გადაიხადოს დაზღვევის ხელშეკრულების გაუქმების თარიღისთვის გამომუშავებული და გადაუხდელი სადაზღვევო პრემია და დაზღვევის ხელშეკრულების ვადაზე ადრე შეწყვეტის პირგასამტეხლო ერთი თვის სადაზღვევო პრემიის ოდენობით, მაგრამ არანაკლებ 50 (ორმოცდაათი) ლარისა.
- 7.7 დამზღვევის მიერ დაზღვევის ხელშეკრულების ვადაზე ადრე შეწყვეტისას, თუ დაზღვევის ხელშეკრულების შეწყვეტამდე მზღვეველის მიერ მოხდა მიმდინარე დაზღვევის ხელშეკრულების საფუძველზე სადაზღვევო ანაზღაურების გაცემა, დამზღვევი ვალდებულია სრულად გადაიხადოს მიმდინარე სადაზღვევო წლის შესაბამისი სადაზღვევო პრემია. ამასთან, მზღვეველი უფლებამოსილია გამოქვითოს მიმდინარე სადაზღვევო წლის შესაბამისი სადაზღვევო პრემიის გადაუხდელი ნაწილი მის მიერ გასაცემი სადაზღვევო ანაზღაურების თანხიდან.
- 7.8 თუ დაზღვევის ხელშეკრულება წყდება დაზღვეულის გარდაცვალების მიზეზით, მზღვეველის მიერ ასანაზღაურებელ თანხას გამოაკლდება სადაზღვევო პოლისით განსაზღვრული ჯამური სადაზღვევო პრემიის გადაუხდელი ნაწილი.



8. დაზღვევის ხელშეკრულების/სადაზღვევო დაფარვის შეწყვეტის წესი

- 8.1 დაზღვევის ხელშეკრულების მოქმედება შესაძლოა შეწყდეს:
- 8.1.1 დამზღვევის ინიციატივით, ნებისმიერ დროს, მზღვეველისთვის დაზღვევის ხელშეკრულების გაუქმებაზე წერილობითი მოთხოვნის მოწოდებიდან 5 (ხუთი) კალენდარული დღის ვადაში.
- 8.1.2 მზღვეველის ინიციატივით, ნებისმიერ დროს, დამზღვევისთვის დაზღვევის ხელშეკრულების გაუქმებაზე 14 (თოთხმეტი) კალენდარული დღით ადრე შეტყობინების გაგზავნის გზით.
- 8.1.3 მზღვეველის ინიციატივით, დამზღვევისთვის წინასწარი შეტყობინების გაგზავნის გარეშე, თუ დამზღვევის მიერ შესაბამისი სადაზღვევო პოლისით ნაკისრი ვალდებულებები სრულადაა შესრულებული / ამოწურულია სადაზღვევო პოლისით განსაზღვრული ანაზღაურების ჯამური ლიმიტი.
- 8.2 დაზღვევის ხელშეკრულება ასევე შეწყდება:
- 8.2.1 შესაბამისი სადაზღვევო პოლისით განსაზღვრული სადაზღვევო პერიოდის დასრულებისას.
- 8.2.2 ძირითადი დაზღვეულის გარდაცვალებისას.
- 8.2.3 დამზღვევსა და მზღვეველს შორის გაფორმებული წინასწარი წერილობითი შეთანხმების საფუძველზე.
- 8.2.4 მზღვეველის მიერ მისი საქმიანობის კანონმდებლობით განსაზღვრული წესით შეწყვეტის შემთხვევაში.
- 8.2.5 თუ მზღვეველმა დამზღვევს შეატყობინა პოლისზე პრემიის გადახდის ვადაგადაცილების შესახებ და ასეთი შეტყობინებიდან 30 (ოცდაათი) კალენდარულ დღეში დამზღვევი სრულად არ დაფარავს დავალიანებას.
- 8.2.6 საქართველოს კანონმდებლობით გათვალისწინებულ სხვა შემთხვევებში.
- 8.3 საოჯახო პაკეტის შემთხვევაში დაზღვეული შვილის მიმართ მოქმედი სადაზღვევო დაფარვა შეწყდება დაზღვეული შვილის მიერ 18 წლის შესრულებისთანავე, მისი დაბადების დღის 00:01 საათიდან.

9. შეტყობინება და კომუნიკაცია

- 9.1 მხარეები თანხმდებიან, რომ წინამდებარე დაზღვევის პირობებით გათვალისწინებული მიზნებისთვის, საკომუნიკაციო საშუალებად შესაძლოა გამოყენებულ იქნეს სადაზღვევო პოლისში მითითებული მისამართი ან/და მობილური ტელეფონის ნომერი, რაც გულისხმობს იმას, რომ მზღვეველის მიერ ამ მისამართზე გაგზავნილი წერილი ან მობილურ ტელეფონის ნომერზე გაგზავნილი შეტყობინება (მათ შორის მოკლე ტექსტური შეტყობინება) ჩაითვლება მზღვეველის მიერ გაკეთებულ ოფიციალურ წერილობით შეტყობინებად; შეტყობინების ტელეფონის ნომერზე გაგზავნის შემთხვევაში, მზღვეველის მიერ შეტყობინების გაგზავნის დღე ჩაითვლება ადრესატისათვის შეტყობინების ჩაბარების დღედ.
- 9.2 მზღვეველის მხრიდან დამზღვევისათვის/დაზღვეულისათვის შეტყობინების გაგზავნა მოხდება სადაზღვევო პოლისში მითითებულ ფაქტობრივ მისამართზე ან მისამართის შეცვლის თაობაზე, ამ პირობებით გათვალისწინებული წესის შესაბამისად, მზღვეველისათვის გაცხადებულ ბოლო მისამართზე. ასეთ მისამართზე გაგზავნილი ნებისმიერი შეტყობინება/კორექსიონდენცია ჩაითვლება დამზღვევის/დაზღვეულის მიერ მიღებულად, თუნდაც ადრესატი ამ მისამართზე აღარ იმყოფებოდეს ან მისამართი არასწორად/არაზუსტად იყოს გაცხადებული მზღვეველისათვის.

10. დავათა გადაწყვეტა

- 10.1 წინამდებარე დაზღვევის პირობებთან დაკავშირებით წამოჭრილი ნებისმიერი დავა და უთანხმოება გადაწყდება მოლაპარაკების გზით. საკითხის მოლაპარაკების საფუძველზე გადაწყვეტის შეუძლებლობის შემთხვევაში, დავა განიხილება და გადაწყდება საქართველოს კანონმდებლობით დადგენილი წესით, საქართველოს საერთო სასამართლოსათვის მიმართვის გზით.
- 10.2 წინამდებარე პირობების უცხოენოვან ვერსიასა და ქართულ ვერსიას შორის შეუსაბამობის შემთხვევაში, უპირატესობა ქართულ ვერსიას მიენიჭება.

11. კონფიდენციალობა

- 11.1 მხარეთა მიერ ერთმანეთისათვის ნებისმიერი ფორმით (ზეპირი ან წერილობითი) მიწოდებული ყველა ინფორმაცია ითვლება კონფიდენციალურად და არ შეიძლება მისი მესამე პირისათვის გადაცემა მეორე მხარის წინასწარი თანხმობის გარეშე, გარდა საქართველოს მოქმედი კანონმდებლობითა და წინამდებარე პირობებით გათვალისწინებული შემთხვევებისა.

12. პერსონალურ მონაცემთა დამუშავება

- 12.1 დამზღვევი ანიჭებს მზღვეველს უფლებამოსილებას, რომ განხორციელებული დაზღვევის ფარგლებში მიღებული პერსონალური მონაცემები, მათ შორის განსაკუთრებული კატეგორიის მონაცემები დაამუშოს: ა) სადაზღვევო მომსახურების გაწევის მიზნით, ბ) მზღვეველის ინტერესების დაცვის მიზნით, გ) მზღვეველის მიერ შესაბამისი სახელშეკრულებო ან/და საკანონმდებლო ვალდებულების შესრულების მიზნით და დ) ზარალის დარეგულირების მიზნებისათვის. აღნიშნული მიზნებისათვის მზღვეველი ასევე უფლებამოსილია ნებისმიერი კერძო თუ საჯარო დაწესებულებიდან, მათ შორის სს „თიბისი დაზღვევის“ მონათესავე/აფილირებული/საერთო კონტროლს დაქვემდებარებული კომპანიისაგან, შსს მომსახურების სააგენტოდან და სახელმწიფო სერვისების განვითარების სააგენტოდან, გამოითხოვოს დამზღვევის/მოსარგებლის პერსონალური ინფორმაცია ან/და სხვა საჭირო დოკუმენტაცია.
- 12.2 დამზღვევი ანიჭებს მზღვეველს უფლებამოსილებას, რათა მისთვის მიწოდებული პერსონალური ინფორმაცია დაამუშას, ასევე, პირდაპირი მარკეტინგის მიზნებისათვის - ახალი სადაზღვევო პროდუქტებისა და მომსახურების შესათავაზებლად. მონაცემთა სუბიექტს, უფლება აქვს ნებისმიერ დროს მოსთხოვოს მზღვეველს მის შესახებ მონაცემთა პირდაპირი მარკეტინგის მიზნებისათვის გამოყენების შეწყვეტა იმავე ფორმით, რა ფორმითაც ხორციელდება პირდაპირი მარკეტინგი - მზღვეველისათვის წერილობითი ან სატელეკომუნიკაციო საშუალებებით მიმართვის გზით.
- 12.3 დამზღვევი ანიჭებს მზღვეველს უფლებამოსილებას, რომ სადაზღვევო მომსახურების შეთავაზების ან/და ხარისხის ან/და დაზღვევასთან დაკავშირებული კვლევ(ებ)ის მიზნით დაამუშავოს, მათ შორის პარტნიორი ორგანიზაციებისთვის ხელმისაწვდომი გახადოს დამზღვევის/მოსარგებლის პერსონალური მონაცემები.
- 12.4 დამზღვევი ანიჭებს მზღვეველს უფლებამოსილებას, რომ დამზღვევთან სადაზღვევო ურთიერთობების შესახებ ინფორმაცია (მოქმედების ვადა, სტატუსი, სადაზღვევო პრემია და სხვა) დაამუშაოს, მათ შორის ხელმისაწვდომი გახადოს მზღვეველის აგენტ(ებ)ისათვის ან/და პარტნიორი ორგანიზაციებისათვის, რომელსაც/რომლებსაც ამგვარ ინფორმაციაზე წვდომა ესაჭიროებათ მათი უფლება-მოვალეობების შესრულებისათვის და მზღვეველის მიერ მისი შესაბამისი სახელშეკრულებო ან საკანონმდებლო ვალდებულებების შესრულებისათვის.